



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina  
Evangelica De Meditatione mortis**

**Kispenning, Henricus**

**Antverpiæ, 1583**

De horæ mortis in certitudine: Testimonia S. Scripturæ. x.

[urn:nbn:de:hbz:466:1-46214](https://nbn-resolving.org/urn:nbn:de:hbz:466:1-46214)

venia desperemus: non item, ut in peccatis animo obstinato persistentes, correctionem vita in diem ex die differamus. Qui enim poenitenti veniam spondit, peccanti diem crastinum non promisit.

De Horæ mortis incertitudine, Testimonia  
S. Scripturæ.

**I**ESVS CHRISTVS D.N. ita nos admonet: **CAP. X.**  
Tendite vobis, ne forte grauentur corda vestra in crapa- **Luc. 21.**  
pula, & ebrietate, & curis huius vite: & superueniat  
in vos repentina dies illa. tanquam laqueus enim super-  
ueniet in omnes qui sedent super faciem omnis terre. Vi-  
gilate itaque omni tempore orantes, ut digni habeamini  
fugere ista omnia, qua futura sunt, & stare ante filium  
hominis.

De die autem illa & hora nemo scit, neque angeli ce- **Matt. 24.**  
lorum, nisi solus Pater. Sicut autem in diebus Noë: ita **Genes. 7.**  
erit aduentus filij hominis. Sicut enim erant comedentes  
& bibentes, nubentes & nuptui tradentes, vsque ad eū  
diem quo intravit Noë in arcam, & non cognouerunt,  
donec venit diluuium, & tulit omnes: ita erit & aduen-  
tus filij hominis.

Similiter sicut factum est in diebus Lot: edebant & **Luc. 17.**  
bibebant, emebant & vendebant, plantabant, & adi- **Genes. 19.**  
ficabant: qua die autem exijt Lot à Sodomis, pluit ig-  
nem & sulphur de celo, & omnes perdidit: secundum hæc  
erit qua die filius hominis reuelabitur.

Vigilate ergo, quia nescitis qua hora Dominus ve- **Matt. 24.**  
ster venturus sit. Illud autem scitote, quoniam si sciret **Luc. 12.**  
pater familias qua hora fur venturus esset, vigilaret uti-  
que & non sineret perfodi domū suam. Ideo & vos estote  
parati: quia qua nescitis hora, filius hominis venturus est.

Videte, vigilate, & orate: nescitis enim quando tem- **Mat. 13.**

pus sit. Sicut homo qui peregrè profectus reliquit domum suam: & dedit seruis suis potestatem cuiusque operis: & ianitori praecepit, ut vigilet. *Vigilate ergo: nescitis enim quando Dominus domus veniat: serò an media nocte, an gallicantu, an manè: ne cum venerit repente, inueniat vos dormientes. Quod autem vobis dico, omnibus dico. Vigilate.*

Nihil refert, quòd Dominicus sermo de supremo mundi die loqui videatur. Nam cuique supremus dies, supremus mundi dies est. sicut D. August. dicit: In quo quemque inuenit suus nouissimus dies, in hoc eum comprehendet mundi nouissimus dies. Quoniam qualis in die isto quisque moritur, talis in die illo iudicabitur.

Augustinus  
Epist. 80.

1. Thef. 5.

S. Paulus. *De temporibus autem & momentis fratres, non indigetis ut scribamus vobis. Ipsi enim diligenter scitis quia dies Domini, sicut fur in nocte, ita veniet. Cum enim dixerint, pax & securitas: tunc repentinus eis superueniet interitus, sicut dolor in utero habenti, & non effugient.*

2. Pet. 3.  
1a. 4.

S. Petrus. *Adueniet dies Domini ut fur.*

S. Iacobus. *Ecce nunc qui dicitis, Hodie aut crastino ibimus in illam ciuitatem, & faciemus ibi quidem annum, & mercabimur, & lucrum faciemus: qui ignoratis quid erit in crastino. Quae est enim vita nostra? Vapor est, ad modicum parès, & deinceps exterminabitur.*

Iac. 5.

*Ecce iudex ante ianuam assistit.*

Vitæ emendationem non esse differendam.

D. August. Admonitio.

CAP. XI.  
De salutari-  
bus Docu-  
mentis.  
cap. 39.

**N**E de misericordia Domini tantum securi existamus, aut peccata peccatis angeamus: neque dicamus,